


Naim Frashëri

KATER STINET

BIBLIOTEKA

8JH-32

F 85



albin

81H-32
N 85

Naim Frashëri
KATER STINET

NAIM FRASHERI

Katër stinët

Përktheu nga turqishtja
Vexhi Buharaja



54686

Albinform
1995

„KATËR STINËT” * DHE FILLIMET ROMANTIKE TË NAIMIT

I

Veprat e para që shkroi dhe botoi Naimi në gjuhë të huaj, ndonëse për nga vlera dhe rol iqë luajtën nuk hyjnë në krijimtarinë e tij madhore, prapë ato kanë rëndësinë e tyre jo vetëm si pikënisje në veprimtarinë letrare të poetit tonë, por dhe si krijime që i shërbejnë njohjes së atyre premiseve e faktorëve të cilat quan në formimin ideo-artistik të Naimit, që njohim sot.

Dihet se Naimi është një prej përfaqësuesve më të shquar të romantizmit shqiptar dhe nga kjo pikëpamje ia vlen të dimë se cilat qenë interesat dhe ndikimet e hershme tek ai, nga ç'burime u ushqye në fillimet e veta letrare.

Është i njobur fakti se Naimi, në fillim, nuk u prezantua si poet romantik. Në hapat

*) Novela „Katër stinët” gjendet në original në Bibliotekën Kombëtare, me nr. skedari 154-V.20, M. Neim: Fusuli erbëa — Istamboll 1300, türqisht, f. 127.

e para, ai u dha pas poezisë klasike persiane, u dashurua me veprat e Sadiut dhte Hafizit, shkroi qindra vjersha persisht dhe duke ndjekur traditën e letërsisë persiane, modellet e poetëve të preferuar, shkroi dhe botoi vëllimin poetik „Endërrimet” (Tehajjulat). Por më vonë, ai nuk ndoqi këtë rrugë dhe nuk kish si ta ndiqte. Fryma dhe mjetet tradicionale të poezisë klasike persiane dhe turkoarabe nuk i përgjigjeshin kërkesave të reja historike, nevojave të lëvizjes kombëtare që Naimi filloi me kohë t'i ndjejë e t'i kuptojë.

Në Zosimea ai kish mësuar gjuhën dhe letërsinë frënge, ish njojur me historinë e e Fratncës, kish lexuar veprat e Rusoit dhe të Volterit. Naimi, pra, u ushqye me idetë e revolucionit borgjez dhe këto ide s'kish si të mos sillnin ndryshime në botëkuptimin e tij përgjithësisht dhe të koncepteve estetike në veçanti. Por këto ide me siguri do të kishin mbetur në kufijt e entuziazmit djaloshar edhe te Naimi, në qoftë se ai nuk do të ishte lidhur ngushtë me lëvizjen kombëtare të vendit të tij.

Hovi dhe organizimi që mori lëvizja jonë kombëtare pas ngjarjeve të Lidhjes së Prizrenit çelën para poetit tonë horizonte të pakufishme pune dhe lufte, i dhanë një përmbytje konkrete botëkuptimit të tij.

S'ka dyshim që botëkuptimi i përparuar që përfuan idetë e revolucionit freng te poeti ynë dhe militizmi nga ana e tij në lëvizjen kombëtare, qenë faktorët kryesorë që e bënë

Naimin të përqafojë një drejtim të shëndoshë letrar, siç ish romantizmi përparimtar.

Romantizmi në Evropë, në kohën kur e përqafoi Naimi, nuk ishte më në lulëzim, përkundrazi. Por dihet, për arësy historitke, se ai erdhi vonë në disa letërsi, siç ndodhi me letërsitë e vendeve të robëruara ose të prapambetura. Një fenomen i tillë ngjau edhe në letërsinë tonë dhe një aspekt të saj paraqet krijimtaria e Naimit.

Eshtë e kuptueshme që Naimi, për kohën kur hyri në letërsi dhe për detyrat që kish para lëvizjes kombëtare, nuk imund të përqafonte klasicizmin, një drejtim letrar i kapërcyer i një shoqërie që po largohej nga skena e historisë, po as realizimin, që me parimet e veta kërkonte zbulimin e kontradiktave shoqërore dhe paraqitjen me vërtetësi të jetës. Në kushtet e shoqërisë së atëhershme shqiptare dhe të nivelit të letërsisë shqipe, romantizmi, ishte ndoshta i vetmi drejtim letrar që i përgjigjej nevojave imperitative, për ta vënë letërsinë në shërbim të luftës çlirimtare.

Për këtë arësy na duket se paraqet mjaft intetres hulumtimi i atyre elementeve e premisave në krijimtarinë e Naimit që e pre-gatitën poetin tonë si romantik. Marrë nga kjo pikëpamje, novela „Katër stinët”, është një moment mjaft kuptim plotë.

Kalimi në pozitat e romantizmit përbën-te një hap mjaft të rëndësishëm për Naimin po të kemi parasysh se ç'përfaqësonte perandoria mesjetare turke. Poeti ynë jetonte në një vend, ku ishin në fuqi obskurantizmi dhe

injoranca, fanatizma e dhuna, kujeta që vë-
në nën zgjedhën e një sistemi feudalo-ush-
tarak dhe feja e kleri kishin robëruar tërë
sferat mendore e shpirtërore të njeriut. Nje-
riu dhe jetë e tij shoqërore, bota e brendsh-
me qenë krejt të huaja për letërsinë. Prandaj,
ta drejtoje vëmendjen nga njeriu dhe shoqë-
ria njerëzore, të çmoje botën e tij të bren-
dshme, ndjenjat dhe mendimet, ta shikoje
lumturinë e njeriut mbi tokë, të ngriheshe
kundër asketizmit dhe të hymnizoje natyrën,
ishte vetveti një reagim i hapur ndaj ideo-
logjisë sunduese, ndaj letërsisë zyrtare dhe
dogmave myslimanë.

Përpjekjet e Naimit për ta bërë krijim-
tarinë pasqyrë të jetës ishin pjesë e luftës së
inteligjencies përparimitare në perandorinë
turke kundër reaksionit feudalo-klerikal.

Ndryshimet ekonomike e shoqërore që
ndodhën gjatë viteve të reformave të Tanzimatit
(1830-1870) sollën pasoja të rëndësish-
me edhe në letërsi. Pikërisht nga kjo kohë,
lind dhe zhvillohet letërsia borgjeze turke.
Shkrimtarët e brezit të ri si Shinasiu, Zija
Pasha, Ahmet Mitati etj. luftuan me ithtarët
e kulturës feudale dhe epigonët e poezisë
klerikale, zhvilluan një veprimitari të gjerë
iluministe. Në kundërshtim me letërsinë e
mëparshme, këta i vunë vetes për detyrë ta
lidhin letërsinë me jetën reale, t'i kushtojnë
vëmendje njeriut dhe problemeve të rëndë-
sishme që shqetësonin kohën e tyre. Këto
përpjekje gjetën pasqyrim jo vetëm në brend-
dinë e re që filloi të rrjedhë në letërsinë tur-

ke, po dhe në format e reja letrare që u laruani si novela, romani, drama, të panjohura deri atëhere prej letërsisë zyrtare.

Në radhët e para të kësaj lufte që bënte intelelegencia turke do të qëndronte dhe Samiu, i njohur me emrin Shemsedin Sami. Në këtë luftë, me sa duket, u angazhua dhe Naimi. Por angazhimi i Naimit në terrenin turk nuk vazhdoi gjatë. Ndryshe nga Samiu, që forcat kryesore krijuese i lidhi me luftën e inteligencies turke për progresin shoqëror e politik në vendin ku jetonte, Naimi talentin dhe tërë aftësitë e veta, duke filluar nga mezi i viteve 80 ia kushton kryesisht kauzës së cilirimit të atdheut. Në fakt, novela „Katër Stinët”, është e vetmja vepër letrare turqisht që përbën kontributin e Naimit në luftën e përbashkët për progres.

Dihet se Samiu zhvilloi një punë të madhe me karakter iluminist, jo vetëm duke përkthyer libra si „Historia e Francës” apo duke dhënë në turqisht një sërë veprash letrare të huaja, ndërmjet të cilëve dhe „Të mjerët” e V. Hugoit, po dhe duke themeluar e drejtuar organe të ndryshme e duke marrë nisiativa të tjera që i shërbenin zgjimit dhe emancipimit të popullit.

Në këtë drejtim një rëndësi të madhe ka themelimi prej tij i Bibliotekës së xhepit, më 1884. Në këtë punë, Samiu, duke marrë mbi vete barrën kryesore, tërhoqi botuesin më të shquar të Stambollit, armenin Mihran. Naimi, që sapo ishte vendosur aso kohe përfundimisht në Stamboll, i erdhë, me sa duket, në

ndihmë të vëllait.

Në serinë e Bibliotekës së xhepit u botuan vepra me karakter divulgativ që përhapnин njohuri shkencore mbi njeriun, shoqërinë dhe botën, pikëpamje të drejta mbi moralin, mbi gruan etj. Naimi pregetiti për Bibliotekën e xhepit dy vepra: „Zbulime dhe shpikje”, një libër i vogël me karakter shkençor divulgativ dhe „Katër stinët”.

Novela „Katër stinët” ishte kryesisht vepër letrare, fare e ndryshme nga shoqet e saj të serisë. Por megjithëse kemi të bëjmë me një vepër letrare, „Katër stinët”, siç do ta argumentojmë më poshtë, në thelb përkonte me qëllimin e përgjithshëm që kish Biblioteka e xhepit: t'i shërbente përhapjes së ideve e koncepteve të reja mbi jetën shoqërore e shpirtërore të njeriut, t'i vinte në ndihmë emancipimit të shoqërisë, të luftonte fanatizmin dhe dogmat e ngurta të fesë myslimane.

Novela „Katër stinët” u botua më 1884 në Stamboll, në shtypshkronjën e Mihranit nën titullin turqisht „Fusuli erbea”. Në frontespic lexojmë: Biblioteka e xhepit Nr. 16, „Katër stinet — Marrë nga frangjishtja prej M. Neim. Botuar me lejën e Ministrisë së Arësimit, Istanbul Shtypshkronja e Mihranit, Rr. Porta e Lartë, Nr. 7, 1300 (1884).

Problemi i parë që del përparrë sigurisht ka të bëjë me shkallën e originalitetit të vepres. Vëte shënim i që thotë se është marrë nga frangjishtja, tregon qartë se nuk jemi para një vepre krejtësisht origjinale. Por mungesa e emrit të autorit dhe hulumtimet që kemi

bërë në veprat e shkrimtarëve romantikë të preferuar të Naimit, siç qenë V. Hugo i dhe Lamartini, na nxisin të pohojmë se nuk kemi të bëjmë as edhe thjesht me një përkthim. Na e thotë mendja se lënja jashtë e emrit të autorit s'është pa arësy. Në qoftë se Naimi do ta kish përkthyer këtë vepër, duke i qëndruar hesnik orgjinalit, logjika e do që ai ta vinte emrin e autorit, ashtu siç do të ndodhët më vonë me përkthimin e këngës së parë të Iliadës së Homerit.

Ne mendojmë, siç do të përpinqemi të arësyetojmë më tutje, se „Katër stinët” s'është as vepër krejtësisht origjinale, as thjesht përkthim, po një përshtatje e lirë. Ka shumë mundësi që Naimi ta ketë marrë nga ndonjë vepër e letërsisë frenge, idetë, subjektin, personazhet dhe elemente të tjerë dhe këto t'i ketë përpunuar lirisht, duke futur dhe një pjese elementesh të veta. Një praktikë e tillë ishte e njobur në letërsinë turke të asaj kohe. Nga mungesa e traditës, sidomos në fushën e prozës, kish autorë që subjektet, motivet, figurat apo dhe elemente të tjerë i merrnin nga letërsia perëndimore, vecanërisht nga ajo franceze dhe i trajtonin pastaj në mënyrën e tyre, simbas mundësive dhe aftësive të veta.

Dihet se vjersha e njobur e Naimit „Të varfërit” ishte një përshtatje e një vjershe homonime të V. Hugoit, po që poeti ynë nuk e quajti të arësyeshme të vejë ndonjë shënim. Gjithë sa thamë për analogjinë dhe për „Katër stinët”. Por pavarësisht nga mungesa e një pohimi të drejtpërdrejtë nga ana e Nai-